

Na osnovu člana 33. Zakona o putnim ispravama ("Službeni glasnik BiH", broj 4/97, 1/99, 9/99, 27/00, 32/00, 19/01, 47/04, 53/07, 15/08, 33/08 i 39/08), Ministarstvo civilnih poslova Bosne i Hercegovine donosi

## **PRAVILNIK**

### **O VRŠENJU NADZORA NAD PROVOĐENJEM ZAKONA O PUTNIM ISPRAVAMA BOSNE I HERCEGOVINE**

#### **Član 1. (Predmet)**

Ovim Pravilnikom utvrđuje se način vršenja nadzora nad provođenjem Zakona o putnim ispravama Bosne i Hercegovine.

#### **Član 2. (Nadležni organi za nadzor)**

- (1) Nadzor nad provođenjem ovog zakona vrši Ministarstvo civilnih poslova Bosne i Hercegovine, nadležni organi za izdavanje putnih isprava u entitetima i Brčko Distriktu, na način utvrđen ovim Pravilnikom.
- (2) Nadzor iz stava 1. ovog člana iz nadležnosti Ministarstva civilnih poslova Bosne i Hercegovine vrše lica koja pismeno ovlasti ministar Ministarstva civilnih poslova Bosne i Hercegovine, a u entitetima i Brčko Distriktu lica koje pismeno ovlasti rukovodilac nadležnog organa za izdavanje putnih isprava.

#### **Član 3. (Prava i obaveze lica u vršenju nadzora)**

Lica iz člana 2. ovog Pravilnika imaju pravo i obavezu da u svim organima Bosne i Hercegovine, entitetima i Brčko Distriktu kontrolišu da li se putne isprave izdaju u propisanom obliku, da li putne isprave izdaju nadležni organi, da li se putne isprave izdaju po utvrđenom postupku, da li se uredno vodi evidencija o izdatim putnim ispravama, da li su predmeti arhivirani shodno Zakonu o arhivskoj građi, kao i pravo da kontrolišu primjenu ostalih odredaba navedenog Zakona.

#### **Član 4. (Dostavljanje zapisnika o izvršenom nadzoru)**

Lica ovlaštena za vršenje nadzora, zapisnik o izvršenom nadzoru dostavljaju odgovornom licu, koje rukovodi organima iz člana 2. ovog Pravilnika i po potrebi, posebno pismeno informiraju ta odgovorna lica o zapažanjima do kojih su došla u vršenju nadzora.

#### **Član 5. (Stavljanje ranijeg propisa van snage)**

Stupanjem na snagu ovog Pravilnika prestaje da važi Pravilnik o vršenju nadzora nad provođenjem Zakona o putnim ispravama Bosne i Hercegovine ("Službeni glasnik BiH", broj 10/98).

#### **Član 6. (Stupanje na snagu)**

Ovaj Pravilnik stupa na snagu osmog dana od dana objavljivanja u "Službenom glasniku BiH".

---

Broj 06-2-30-4-156/09  
2. jula 2009. godine

---

Ministar  
**Mr. Sredoje Nović**, s. r.